



Die AnkerZjie

Laerskool Lochnerhof

www.lochnerhof.co.za
anker@lochnerhof.co.za

Bouprojek begin eersdaags

Met die groei in leerdergetalle wat die skool die afgelope tyd beleef, het dit duidelik geblyk dat daar 'n dringende behoefte daaraan bestaan om die fisiese geriewe van die skool uit te brei.

Die WKOD is genader en die skool is pas in kennis gestel dat

fondse beskikbaar gestel gaan word om die projek gedeeltelik te subsidieer. 'n Boukommissie gaan aangestel word en die projek behoort eersdaags te begin.

Volgens mnr. Marius Botha, skoolhoof, is die skool baie opgewonde oor die vooruitsigte.

"Hierdeur kan ons groter toegang tot kwaliteit onderrig vir die Afrikaanssprekende gemeenskap van die Helderbergkom voorsien", sê hy.

Daar word verwag dat die projek in fases afgehandel om die minste ontwrigting moontlik te veroorsaak.

Maart 2012

In hierdie uitgawe:

- Skool maak gereed vir verkiesing van nuwe beheerliggaam
- Laf, lawwer, LAGnerhof
- GSF woel en werskaf
- Bekende kunstenaar bied kunsklasse an in Lochieland
- Lochies vat die pad
- Skool vaar puik in internasionale olimpiade

Sit solank 'n toeter op jou skoeter - Nic Stevens kom vier saam Ankerfees

Die jaarlikse Ankerfees is om die draai en vind plaas vanaf 15 - 18 Maart vanjaar.

Volgens die organiseerders gaan dit weer groot pret wees. Feesgangers kan veral uitsien na die optrede van die bekende sanger, Nic Stevens, wat gaan sorg vir vermaak op Vrydagaand.


Die fees skop weer af met 'n pretloop op Donderdag en vanjaar is daar ook 'n sokkie vir Lochies van graad 4 - 7.

Die gebruiklike kosstalletjies en vlooi-mark gaan weer sorg vir vermaak op Saterdag. Die vlooi-mark is oop vanaf 08:00 tot 18:00 en enkele stalletjies is nog beskikbaar teen R200.

'n Potjiekoskompetisie word ook, soos in die verlede, op Saterdag aangebied deur Waldo Lotz en vermaak word verskaf deur onder andere Le-Lue en die 3D Band.

'n Nuwigheid vanjaar is die pikkiebraai en die versiering van kolyntjies.

Die fees word weer afgesluit met 'n kerkdienis op die A-veld om 09:00 Sondagoggend.



Die bekende sanger, Nic Stevens, wat gaan sorg vir vermaak tydens die Ankerfees

Redaksie:

Annalette Smith
Araminta Joubert

Lizanne Basson
Nikki Whitehead

Elsabé Gous
Nicole Bryant

Aletta de Jongh
Angelee van Staden

Toinette Horn
Clarise Lerm

Ruan Smit
Ivan Schwartz

Hanli Geldenhuys
Joshua Venter

Skool maak gereed vir verkiesing van nuwe beheerliggaam

Die verkiesing van die nuwe skool-beheerliggaam vind plaas op Woensdag 14 Maart om 18:30. Nominasies kan reeds vanaf 6 Maart ingedien word.


Skole word wetlik verplig om elke drie jaar 'n beheerliggaamverkiesing te hou. Volgens die WKOD is daar meer as 24 000 openbare skole in die land en daarom is die beheerliggaamverkiesing een van die grootste verkiesings in die land.

'n Kworum word vereis tydens die verkiesingsvergadering en ouers word

dus aangemoedig om te kom stem.

Die kore tree ook op tydens hierdie verkiesingsvergadering.

Die beheerliggaam speel 'n sleutelrol in die formulering van beleide en die opstel van die begroting en dit is ook die taak van die beheerliggaam om seker te maak dat skole glad en doeltreffend funksioneer. Die beheerliggaam word saamgestel uit ouers, opvoeders asook nie-opvoeders.



GSF woel en werskaf

Die Grondslagfase het 'n opwindende maand agter die rug met talle nuwe geleenthede wat vir die wenners geskep is.

Elke Woensdag weergalm die skool se gange van laggende kinderstemme en vrolike liedjies. Dit beteken dit is LAB4J-tyd - die nuwe Bybelklasse wat deur ouers en persone uit die gemeenskap aangebied word. Die lesse is prakties, kleurvol en vol woema.

Elke derde Vrydag word ons wenners verryk met skaaklesse. Die skool is

baie bevoorreg om die hulp van mev. Wiese, 'n kundige in die aanbod van skaaklesse vir kinders, te hê wat ons jong Lochies help en meer leer van die spel. Volgens me. Thelma Coetzee, departementshoof, is skaak daarvoor bekend dat dit baie goed is vir die ontwikkeling van die speler se brein en sodoende word Lochies op 'n verdere vlak gestimuleer.

Die GSF-mammas is op nog 'n manier betrokke deur elke Vrydag vir ons wenners te kom stories lees. Die skool is beslis bevoorreg om soveel ouers te hê wat op 'n positiewe manier betrokke is by die skool.

Redenaars berei voor vir ATKV

Die eerste uitdunronde van die ATKV Redenaarskompetisie vind plaas op 11 April by Laerskool Stellenbosch. Twaalf Lochies is vir die geleentheid ingeskryf en het tydens die skool se kwartaalike redenaarsaand op 1 Maart die geleentheid gekry om hul vaardighede te oefen.

Die leerders wat gaan deelneem is Emma van der Westhuizen, Derik Nortjé en Alexis Smit in graad 3; Anél Swart en Li-Mari Geldenhuys in graad 4; Lizanne Nortjé, Kristin Meyer en Wesley McCarthy in graad 5; Janca Fourie en Matthew Cordy in graad 6 en Monique Pretorius en Nicole Bryant in graad 7. Hierdie leerders word baie voorspoed toegewens vir hul voorbereiding.

Personeelnuus

Mnr. Koos Eksteen tree in die huwelik op 31 Maart. Volgens hom verloop die reëlins vlot en is hy baie opgewonde oor die groot dag.

Juffrou Toinette verwag haar eersteling vroeg in Augustus en sy kan nie meer wag nie.

Mnr. Ruan verlaat die onderwys aan die einde van die kwartaal en betree die korporatiewe wêreld waar hy die bemerking van hul familie-onderneming gaan hanteer.

Juf. Suzanne het 'n graad 4-pos aan die Laerskool Table View vanaf die tweede kwartaal aanvaar.

Juf. Elsabé gaan vir 'n groot operasie op 13 Maart. Ons wens haar sterkte toe.

Tannie Riana Ligthart, sielkundige, verwag haar tweede dogtertjie in Julie. Die gesin is baie opgewonde oor hierdie vooruitsig.

Juf. Hanli het haar Meestersgraad in Ondewysbeleidstudie aan die Universiteit van Stellenbosch voltooi.

Laf, lawwer, LAGnerhof!

Paris Hilton, meerminne en gillende leerders is nie iets wat mens elke dag raakloop in Lochieland se saal nie, maar 7 Februarie se Breinboelies was gevul met 'n klomp verrassings!

Die gehoor (leerders) kon kies hoe die tonele op die verhoog verloop en hierdie leerdermag het natuurlik al die akteurs (onderwysers) laat bewe in hul broeke.

Die leerders het hul uitstekend van hul taak gekwyd as kreatiewe regisseurs en die tonele wat afgespeel het, was ongelooflik vermaaklik en het die gehoor laat skater van die lag. Die akteurs vir die aand was juff. Jean-Marie du Plessis, Magda Swart, Suzanne Marais en Elsabe Gous en mnre. Roland Dorfling en Andri Blom. Juf. Hanli was die aanbieder.

Die volgende Breinboelies vind plaas op 6 Maart. Hier gaan Lochies hulle breine boelie met Wiskunde.



En die Oscar gaan aan... Lochieland se akteurs vermaak die leerders in die eerste episode van LAGnerhof

'n Oomblik in die lewe van ... juffrou Suzanne Marais

Gedink jy ken haar? Lees verder...

Haar drie **gunsteling plekke** in die skool is die personeelkamer, die rekenaarsentrum en die hokkieveld.

Haar gunsteling **skoolvak** was Huishoudkunde (en pouse!)

In die Strand verkies sy 'n **vakansie** in haar eie woonstel, omdat sy nie hou van inpak nie.

Sy is mal oor **Woolworths**

Haar **stokperdjies** is kosmaak, verf of naaldwerk.

Juffrou Suzanne - vuur-warm... aan die brand!



6 wonders van juf. Suzanne...

1. Kos: Hoenderslaai met avo en bacon
2. Woord: Kief
3. Dier: My 2 Jack Russels, Mila & Guinness
4. Fliiek: Coyote Ugly; 10 Things I hate about you
5. Drankie: Rooi grapetizer
6. Aanhaling: *Be an original, because the world recognizes a copy.*

Juffrou Suzanne groet Lochieland aan die einde van die kwartaal omdat sy vanaf volgende kwartaal 'n graad 4-juffrou aan die Laerskool Table View gaan wees

Bekende kunstenaar bied kunsklasse aan in Lochieland

Die bekende kunstenaar en illustreerder, **Mindi Flemmingh**, bied **Vrydagmiddae die Kunsklub by die skool aan**. Sy gee ook **Visuele Kuns aan graad 7's**. Die **Ankertjie** het meer gaan uitvind oor **Mindi** en hier is haar suksesverhaal.

MINDI aan die woord:

Ek is in die Vrystaat gebore en het op 'n plaas grootgeword. Na my hoërskooljare in Bloemfontein aan Sentraal Hoërskool, het ek my Nasionale Diploma in Grafiese Ontwerp, Fotografie en Kunsteskiedenis aan die Vrystaatse Technikon ontvang. Ek het direk na my studies by die Oliewenhuis Kunsmuseum in Bloemfontein as Kunstenaar begin werk. Ek woon nou al 15 jaar hier in die Strand, saam met my geliefde man en twee kinders - my seun, Alexander van amper 15 en my dogter, Klara van amper 12.

Behalwe vir my liefde vir my gesin, is teken die ander groot passie in my lewe. Vir die afgelope ses jaar, bied ek kunsklasse vir jong kinders aan, en een van die grootste vreugdes is om my liefde vir kuns aan ander oor te dra en om te sien hoe kinders hulle talente ontdek en ontgin. Ek glo dat kuns vir

almal behoort te wees, juis omdat ons dit elke oomblik van die dag om ons ervaar. Ek glo ook dat die vermoë om te kan teken en kreatiewe gedagtes te ontwikkel binne elke persoon se bereik is.

Behalwe vir die kunsklasse, is ek 'n vryskut-illustreerder wat vir die verhale in die Huisgenoot en You illustrasies maak, sowel as illustrasies vir uitgewers van skoolhandboeke soos onder andere Nasouvia Afrika. Hier en daar maak ek ook boekomslae en het al heelwat werk vir CarpeDiem Uitgewers gemaak. Wanneer ek tyd het, geniet ek dit om groot skilderye te maak.


Ek bewonder enige persoon wat hulle talente ontgin, wat 'n eerlike dag se werk doen – al is dit 'n eenvoudige werk – ek bewonder kinders vir hulle ontvanklikheid. Ek hou van gesels veral in my mooie Afrikaanse taal, van mense, van buite eet saam met my gesin of vriende en koffie op my stoep. Ek is lief vir bome, vir winterreën, donderwolke, die geure en kleure van die see. Ek verwonder my aan die wonder van 'n baba, al die beloftes in 'n klein bondel lewe. Ek lees graag Deon Meyer, Isabel Allende en Marcel Pagnol. Ek is dankbaar vir elke dag en om saans moeg gewerk te gaan slaap.

"Ek bewonder enige persoon wat hulle talente ontgin, wat 'n eerlike dag se werk doen – al is dit 'n eenvoudige werk"

Nuwe skooltye

Tydens 'n onlangse beheerliggaamvergadering is die besluit geneem dat die skooltye voortaan gedurende die somer- en winterkwartale dieselfde gaan wees. Die skool begin m.a.w. regdeur die jaar om 07:30.

Hierdie besluit is geneem na afloop van 'n deeglike bestudering van die uitslag van 'n meningspeiling onder ouers waartydens 86% van die respondente ten gunste van die veranderde tye gestem het. Bepaalde voorstelle is ook gemaak wat met die oog op die toekoms in gedagte gehou kan word.



Een van die bekende kunstenaar, Mindi Flemmingh, se kunswerke

www.lochnerhof.co.za
anker@lochnerhof.co

Lochies vat die pad

Groot opgewondenheid heers onder die leerders oor die onderskeie toere wat hierdie vakansie gaan plaasvind.

Die onder 13-rugbyspan vertrek op 22 Maart na Marlow. Dit is 'n jare lange tradisie dat Lochnerhof deelneem aan hierdie toernooi en dit is elke jaar 'n baie groot geleentheid vir die leerders.

Die onder 11-rugbyspan asook die onder 12- en onder 13-netbalspanne gaan gedurende die Maartvakansie (25 - 28 Maart) aan 'n toernooi op Riebeeck-Kasteel deelneem.

Volgens mnr. Francois Groenewald, sportorganiseerder, is almal baie opgewonde oor die toere en bied dit aan die afrigters die geleentheid om kombinasies uit te oefen om sodoende hul spankeuses vir die seisoen te finaliseer.

Skool vaar puik in internasionale olimpiade

Tydens verlede jaar se Conquesta Olimpiade het Lochies uitstekend presteer deur in 14 vraestelle onder die Top 20-skole te eindig.

Die Conquesta Olimpiade word jaarliks afgelê en vraestelle word geskryf in Geletterdheid, Gesyferdheid en Lewensoriëntering in die GSF en in Afrikaans, Engels, Wiskunde en Natuurwetenskap in die Intersenfase.

"Dit is 'n besondere prestasie om in die Internasionale Top 20 geplaas te word", meen die organiseerders van die olimpiade. Daar was verlede jaar 1300 deelnemende skole.

Die graad 7's het veral goed presteer deur 4de in Afrikaans en 7de in Engels te eindig. Die graad 1-groep het 'n posisie losgeslaan in elkeen van die vraestelle waarvoor hulle ingeskryf het.



Valentine's day Nicole Bryant (gr. 7)

...makes me think of chocolate, love and crushed dreams

Everybody is so happy...or so it seems
Everyone sends cards saying *hugs, kisses* and *be mine!*
...but not everybody has a Valentine.

Valentine's day sucks
and costs you lots of bucks!
So for all of you who feel rejected and sad
don't worry - it ain't so bad
'cause all those people who got a sweet or a hat...
one day will turn out to be ugly and FAT!

Uit die mond van die suigeling...



Driehoekbyeenkoms: talle Lochies presteer

Tydens vanjaar se driehoekbyeenkoms wat op 21 Februarie gehou is, het Lochies besonder goed presteer. Die byeenkoms word jaarliks gehou tussen Laerskool Lochnerhof, Laerskool Brackenfell en Laerskool Panorama. Lochies het 17 eerste plekke, 20 tweede plekke, 25 derde plekke en 4 10de plekke verower. Volgens mnr. Jan Brand, sporthoof, is hy veral trots op hierdie prestasies aangesien die ander skole albei aansienlik groter is as Lochnerhof.

Lochieland in beeld



LO Prakties



LO Prakties



Graad 4-Inloerdag



Graad 4-Inloerdag



Valentynsdag



LAB4J



Sangsaal



Sangsaal